

## आकाशवाणी

पैहले खास-खास खबरां:-

1. प्रधानमंत्री नरेन्द्र मोदी होर अज्ज संयुक्त अरब अमीरात- नीदरलैंड- स्वीडन- नार्वे ते इटली दे 6 दिने दे दौरें पर जा'रदे न।
2. प्रधानमंत्री नरेन्द्र मोदी होरें आखेया जे भारत दी अध्यक्षता च ब्रिक्स मती समावेशी वैश्विक बवस्था दे निर्माण आस्तै रलिए कम्म करोग।
3. दुनिया भरै च कच्चे तेल दी कीमतें च आए दे उछाल मगरा तेल कम्पनिएं पेट्रोल ते डीजल दी कीमतें च 3 रपे फीह लीटर स्हाबै बाद्दा करी दिता ऐ।
4. सरकार नै अग्रिम अनुमित योजना तैहत सुन्ने दे आयात पर इक सौ किलोग्राम दी सीमा तय करी दिती ऐ।
5. प्रवर्तन निदेशालय ED नै जबरन वसूली गिरोह चलाने दे आरोप ते रुपे-पैसे दे हेर-फेर सरबंधी मामले च कोलकाता पुलस दे डिप्टी कमीशनर गी गिरफ्तार कीता ऐ।
6. भारत दी वुशु खड्दारी अपर्णा दहिया नै कल Macau च आयोजित 11में सांडा विश्व कप च महिलायें दे 52 किलोग्राम भार वर्ग च सुन्ने दा तगमा जित्तेआ ऐ।

<><><><><><>

## PM –Visit

प्रधानमंत्री नरेन्द्र मोदी होर अज्ज संयुक्त अरब अमीरात- नीदरलैंड- स्वीडन- नार्वे ते इटली दी 6 दिन दी यात्रा पर रवाना होडन। 5 मुल्खें दी यात्रा दे पैहले गेड़ च मोदी होर अज्ज UAE पुजडन जित्थे ओह राष्ट्रपति शेख मोहम्मद बिन जायद अल नाहयान हुंदे कन्नै मलाटी करडन। दवै नेता दपक्खी मुद्दें खास तौर पर ऊर्जा सहयोग- आपसी

हिते दे क्षेत्रिय ते अंतरराष्ट्रीय मुद्दें पर विचार-विमर्श करडन। यात्रा थमां पैहले मीडिया कन्नै गल्लबात च विदेश मंत्रालय च पच्छमी मुल्खे दे मामले दे सचिव असीम महाजन होरें आखेआ जे ऊर्जा दौने मुल्खे दे सरबंधें दा इक प्रमुख थम्म ऐ। उ'नें दस्सेआ जे पिच्छले बरे UAE भारत दे कच्चे तेल दा चौथा सब्भनें थमां बड्डा स्रोत हा- जिन्ने भारत दी लगभग 11 फीसद जरूरतें गी पूरा कीता। उ'नें आखेआ जे भारती कम्पनियें अबू धाबी नैशनल ऑयल कम्पनी गैस दे कन्नै लगभग 45 लक्ख मीट्रिक टन दा LNG अनुबंध हासल कीता ऐ।

<><><><><><>

## PM -BRICS

प्रधानमंत्री नरेन्द्र मोदी होरें आखेआ ऐ जे इस बरे भारत दी अध्यक्षता च ब्रिक्स बहुपक्षवाद गी सशक्त बनाने- सतत विकास गी बढ़ावा देने- आर्थिक लचीलापन बढ़ाने ते होर मती समावेशी वैश्विक बवस्था बनाने आस्तै मिली-जुलिये कम्म करोग। नर्मी दिल्ली च मोदी हुंदे कन्नै मलाटी करने लेई आए दे ब्रिक्स देशें दे विदेश मंत्रिणं ते प्रतिनिधिमंडल दे प्रमुखें कन्नै गल्लबात च मोदी होरें आखेआ जे ब्रिक्स उब्भरदी अर्थबवस्थाएं दे बश्कार सैहयोग गी अगगड़ा बधाने ते ग्लोबल साउथ दे देशें दी मेदें गी आवाज देने आस्तै इक महत्वपूर्ण मंच दे रुप च उब्भरेआ ऐ। एह बैठक दिल्ली च जारी ब्रिक्स विदेश मंत्रिणं दी बैठक शा बक्ख लगगी।

<><><><><><>

## Petrol Diesel Hike

दुनिया भरै च कच्चे तेल दी कीमतें च आए दे उछाल मगरा तेल कम्पनिं पेट्रोल ते डीजल दी कीमतें च 3 रपे फीह लीटर स्हाबै बाद्दा करी दिता ऐ। दिल्ली च हून पेट्रोल दी कीमत 97 रपे 77 पैसे फीह लीटर- जिसले कि डीजल दी कीमत 90 रपे 67 पैसे फीह लीटर होई गई ऐ। मुम्बई च हून पेट्रोल 106 रपे 68 पैसे ते डीजल 93 रपे 14 पैसे फीह लीटर दी दर कन्नै थहोग। कोलकाता च पेट्रोल 108 रपे 74 पैसे ते डीजल 95 रपे 13 पैसे फीह लीडर पर उपलब्ध होग। चेन्नेई च पेट्रोल दी कीमत 103 रपे 77 पैसे ते डीजल दा भास 95 रपे 35 पैसे फीह लीटर स्हाबै तय कीता गेआ ऐ।

<><><><><><>

## Govt. Gold Imports

सरकार नै अग्रिम अनुमति योजना दे तैहत सुन्ने दे आयात पर इक सौ किलोग्राम दी सीमा तय करी दिती ऐ। एह योजना आभूषण निर्यातकें गी शून्य शुल्क पर कच्चे माल दा आयात करने दी इजाजत दिंदी ऐ। विदेश बपार महानिदेशालय नै इक सार्वजनिक सूचना च आखेआ ऐ जे इस योजना तैहत निर्यातक इक बारी च बद्दोबद्द इक सौ किलोग्राम सुन्ना गै बिजन कुसै शुल्क दे मंगवाई सकदे न। महानिदेशालय नै पैहली बारी आवेदन करने आहलें आस्तै विनिर्माण संयंत्रें दा भौतिक निरीक्षण लाज़मी करी दिता ऐ तांजे उन्दी परिचालन स्थिति ते क्षमता दा पता लाया जाई सकै। एदे च एह बी आखेआ गेआ ऐ जे परतिए बिजन शुल्क सुन्ने दे आयात आस्तै कम्पनी गी अपने पिच्छले लक्ष्य दा घट्टो-घट्ट 50 फीसद निर्यात पूरा करना होग। एदे थमा पैहले इस योजना दे तैहत सुन्ने दे आयात पर कोई सीमा नैई ही।



## Pradhan NEET

औदी राश्ट्रीय पात्रता सह प्रवेश परीक्षा NEET दी त्पारिये दी समीक्षा आस्तै कल संगा शिक्षामंत्री धर्मेन्द्र प्रधान हुंदे घर इक उच्च स्तह दी बैठक होई। एदे च नीट परीक्षा गी सुचारु ते असरदार तरीके कन्नै संचालित करने दे बक्ख-बक्ख पैहलुएं पर व्यापक चर्चा कीती गई। बैठक च उच्च शिक्षा सचिव- विद्यालय शिक्षा सचिव- राश्ट्रीय परीक्षण एजेंसी दे महानिदेशक CBSE दे अध्यक्ष ते केन्द्रीय विद्यालय संगठन ते नवोदय विद्यालय समीति दे आयुक्तें सने होर दुए अधिकारिएं हिस्सा लैता।



## JK Inland Water

जम्मू-कश्मीर च बड़ी तौले पानी सरबंधी ट्रांसपोर्ट आली सेवा शुरु होई सकदी ऐ ते एहदे लेई भारत दे अंतरदेशीय जलमार्ग प्राधिकरण दे सहयोग कन्नै दरेया चिनाब- झेहलम ते रावी पर बड़ी ढांचागत परियोजनाएं गी तोढ़ चाढ़ेया जा'रदा ऐ। मुख्क सचिव अटल डुल्लु होरें इस परियोजना पर हासल प्रगति दी समीक्षा कीती ते सरबंधत विभागें गी निर्देश दिते न जे ओह जैटिएं- क्रूज़- कॉरिडोर ते बत दस्सनें आली Navigational सुविधाएं गी बेल्ले सिर शुरु करना जकीनी बनान। दरेया चिनाब च क्रूज सैलसफा ढांचा विकसित करने दी योजना तैहत रियासी थमां अखनूर किले धोड़ी 9 किलोमीटर दे हिस्से पर कम्म कीता जा'रदा ऐ। इत्थे दंऊ ऐसे घाट बनाने दी मंजूरी देई दिती गेदी-जित्थे किश्तियां आइयै रुकी सकदियां न- जां उनें'गी बन्नियै रक्खेया जाई सकदा ऐ ते मेद ऐ जे एह कम्म औदी जुलाई म्हीने तोड़ी सबूरा होई जाहगा।

इस्से चाल्ती झेहलम दरेया पर पन्था चौक थमां वुल्लर झील धोड़ी 76 किलोमीटर लम्मे Cruise Corridor पर बी कम्म चला करदा ऐ।

<><><><><><>

#### ED -Kolkata

प्रवर्तन निदेशालय ED नै जबरन वसूली गिरोह चलाने दे आरोप ते रपे-पैसे दे हेर-फेर सरबन्धी मामले च कोलकाता पुलस दे डिप्टी कमीशनर शांतनु सिन्हा बिस्वास होरें'गी गिरफ्तार करी लैता ऐ। कोलकाता दे CGO कॉम्पलेक्स च कल शांतनु हुंदे थमां साइडे 10 घंटे थमां मती दी पुच्छ-पड़ताल कीती गई ते मगरा ED नै उनें'गी गिरफ्तार करी लैता। पुलस अधिकारी शांतनु सिन्हा होरें'गी अज्ज अदालत च पेश कीता जाहग। ED नै कालीघाट पुलस स्टेशन दे साबका प्रभारी शांतनु थमां सोना पप्पू उर्फ बिस्वजीत पोद्दार आसेया चलाए जा'रदे कथित आपराधिक गिरोह कन्नै जुड़े दे रपे-पैसे दे हेर-फेर सरबन्धी मामले च तलब कीता हा। हालांकि उ'नें बार-बार ED दे समन गी नजरअंदाज कीता जेदे मगरा शांतनु हुंदे खिलाफ Look out नोटिस बी जारी कीता गेआ हा।

<><><><><><>

#### EU -India

यूरोपीय संघ नै मत्स्य पालन उत्पादें दे लगातार निर्यात आस्तै संशोधित मसोदा सूची च भारत गी शामिल कीता ऐ। उद्योग ते बपार मंत्रालय नै आखेआ ऐ जे पूर्व विनियमन च भारत गी उ'नें मुल्खे च शामिल नेंई किता गेआ हा-जिने'गी सितम्बर 2026 सोयां मानव उपभोग आस्तै पशु उत्पादें दा यूरोपीय संघ दा निर्यात करने दी इजाजत ही। इनें नियमें मूजब यूरोपीय संघ गी निर्यात कीते जाने आहले जानवरें ते

पशु उत्पादें वृद्धि संवर्धन आस्तै रोगाणु रोधी दवाइयें ते मानव इलाज आस्तै आरक्षित रोगाणुरोधी दवाए दे इस्तेमाल थमां मुक्त होए। यूरोपीय संघ गी बड्डे पैमाने पर भारतीय समुन्द्री उत्पाद निर्यात कीते जंदे न।

<><><><><><>

### UP Storm

उत्तर प्रदेश च पिच्छले 36 घंटे च बरखा- अंधी-झकखड़ ते बिजली पौने दिएं घटनाएं च इक सौ 11 लोकें दी मौत होई ते 200 लोकें दे घायल होने दी खबर ऐ। मुखमंत्रि योगी आदित्यनाथ होरें जिला अधिकारियें ते सरबंधी अफसरें गी घटना आहली थाहर दा फौरी जायजा लैने दे निर्देश दिते न। उ'नें आखेआ जे मुआवजे दे बारे च जानकारी 3 घंटें च दिती जाग। सब्भनें थमां मते जेड़े इलाकें प्रभावित होए न ओह न परेयागराज- भादोही- मिरजा पुट- फतेहपुर ते वाराणसी।

<><><><><><>

### Akashwani 90 Years

बेमिसाल प्रसारण दे 90 बरे पूरे होने दे सरबंधें च आकाशवाणी आसेया करोड़ें-बददे लोकें कन्ने जुड़ने ते उनें'गी जानकार बनाने दी अपनी इस शानदार जातरा दा जश्न मनाया जा'रदा ऐ। केन्द्री मंत्री किरेन रिजिजू होरें अपनियां शुभकामनां दिंदे होई संस्कृति- शिक्षा ते सार्वजनिक जागरूकता गी बढ़ावा देने च आकाशवाणी दे जतनें दी सराहना कीती ऐ। जानकारिएं कन्ने भरोचे दे दिलचस्प कार्यक्रमें राहें राष्ट्र-निर्माण च जोगदान ताई मंत्री होरें आकाशवाणी दे मलाजमें दी बी सिफ्त कीती ऐ

<><><><><><>

## Wushu Gold Medal

भारत दियां वुशु खड्डारन अपर्णा दहिया हों कल मकाऊ च आयोजित 11में सांडा विश्व कप च महिलार्ये दे 52 किलोग्राम भार वर्ग च सुन्ने दा तगमा जितेआ। अपर्णा हों फाईनल च मौजूदा विश्व चैम्पियन वियतनाम दी थी फुओंग न्गा न्गो गी सीधे सेटें च रहाया। 12 मई गी शुरु होए दे इस टूर्नामेंट च भारत दा एह पैहला सुन्ने दा तगमा हा। एहदे शा पैहले अपर्णा सितम्बर 2025 च ब्राजील च आयोजित विश्व वुशु चैम्पियनशिप दे फाईनल च इसे मुखालिफ कोला हारी गेइयां ही।

<><><><><><>

## IPL

IPL क्रिकेट च मुंबई इंडियन्स ने कल धर्मशाला च पंजाब किंग्स गी 6 विकटें कन्ने हराई दिता। पैहले बल्लेबाजी करदे ही पंजाब किंग्स नै 8एं विकटें दे नुकसान पर 200 रन्ज बनाए। 201 रन्जे दा लक्ष्य मुंबई इंडियन्स ने 6 विकटां मुहाइयै इक गेंद बाकी रौहन्दे हासल करी लैता। तिलक वर्मा गी प्लेयर ऑफ द मैच चुनेआ गेआ। प्रतियोगिता च अज्ज लखनऊ सुपर जायंट्स दा मकाबला चेन्नेई सुपर किंग्स कन्ने होग। लखनऊ च एह मैच शामी 7.30 बजे शुरु होग।

<><><><><><>

## IMD

मौसम विभाग नै अज्ज अंडमान ते निकोबार द्वीप समूह- अरुणाचल प्रदेश- असम- मेघालय- केरलम- माहे ते दक्खन आंतरिक कर्नाटक च गरज कन्ने बरखा पौने दा अनुमान जाहिर कीता ऐ। पच्छिम बंगाल च हिमालय दे तराई क्षेत्रें- सिक्किम-

तमिलनाडू- पुद्दुचेरी ते कराईकल च बी ऐसी गै स्थिति बनी रौहने दी संभावना ऐ।  
दिल्ली- आंध्र प्रदेश- बिरार- छत्तीसगढ़- हरियाणा- चंडीगढ़- जम्मू कश्मीर- लद्दाख-  
गिलगित- बाल्टिस्तान ते मुजफराबाद च बी बिजली चमकने ते तेज हवाएं दे चलने दा  
अनुमान ऐ। झारखंड- कोंकण-गोवा- लक्षद्वीप- महाराष्ट्र नागालैंड- मणिपुर- मिजोरम-  
त्रिपुरा- ओडिशा- पंजाब ते राजस्थान च बी ऐसी गै स्थिति बनी रौहने दी मेद ऐ।

<><><><><><>

### Weather Delhi

राजधानी दिल्ली च अज्ज बड्डलै सोयां गै तेज हवा चला' रदी ऐ। मौसम विभाग नै  
अज्ज राजधानी च आंशिक तौर पर बदल छाए रौहने ते गरज कन्नै हलकी बरखा पौने  
दी संभावना जताई ऐ। शैहर च बदोबद्द तापमान 40 थमां 42 डिग्री सैल्सियम रौहने  
दी मेद ऐ। जिसले के घट्टो-घट्ट तापमान 23 थमां 25 डिग्री सेलसियम तगर रेई  
सकदा ऐ।

<><><><><><>